

Monday, September 8, 2025

Time - 2:30pm - 2:35pm

AKASHVANI AIZAWL

REGIONAL NEWS UNIT

CM

Chief Minister Pu Lalduhoma'n nimin khan St. Xaviers Sr. Secondary Millenium Hall, New Delhi-a Northeast Catholic Community of Delhi (NECCOD) Fresher Social wawi 33 na chu khuallian niin a hmanpui.

He hunah hian Chief Minister chuan Catholic kohhran chu India rama zirna, hriselna leh mi chhumchhiate chhawmdawl na lama langsar taka rawngbawl thin an ni a ti a. Mizoramah pawh rawngbawl na ropui tak an kalpui nasa hle a. Zoram Entu Pawl chu tanpui ngaite tanpuitu langsar anni tih sawiin vawiin thlenga Mizorama High School tha bera ngaih theih St Pauls Higher Secondary School chu hlawhtling takin an kalpui a ti a, an rawngbawl na ropui tak chhawr tangkaitu chu Mizo mipuite an ni tih a sawi.

Chief Minister chuan Catholic kohhran mi leh sa, Delhi-a khawsate huikhawmtu tha tak NECCOD an nei chu tha a tih thu sawiin kum sawm thum chuang tangkai takin rawng a bawl tawh a, kohhran leh ram tan chauh ni lovin hmarchhak mipuite inunaunan pawh NECCOD hian a thawhhlawh hle a ni, tiin NECCOD rawngbawl na a fak a ni.



EYE CAMP

National Health Mission, Health & Family Welfare Department hnuaia Programme pakhat National Programme for Control of Blindness and Visual Impairment (NPCB&VI) team te chuan IPA Funded hmangin kar hmasa chung khan Community Health Centre, Chawngte-ah Eye Camp neiin hlawhtling taka Mit 109 zai a ni.

Eye Camp-ah hian Ni khatna-ah Mit 30 zai niin a ni hnihna-ah Mit 29 an zai leh a, Ni thumna-ah Mit 28 zai leh in Ni lina-ah Min 22 hlawhtling takin an zai zo leh a ni.

He Eye Camp-ah hian National Health Mission Aizawl atangin team member 8 an kal a, Dr. Lalnuntluangi Khiangte, State Programme Office, NPCB&VI, NHM bakah Dr. Zosangzuala, Eye Surgeon, Civil Hospital Aizawl leh Civil Hospital, Aizawl-a Nursing Officer, Ophthalmic Assistant leh Driver te an tel a ni.



INTERNATIONAL LITERACY DAY

School Education Minister Dr. Vanlalhlana'n Mizoramin ziak leh chhiara hma a sawn zel theih na'n sorkar mai bakah kohhran, tlawmgai pawl hrang hrangte leh mipuite thawhhona a pawimawh tih a sawi.

Khawvel ziak leh chhiar Ni, International Literacy Day puala Akashvani Aizawla thu a sawina ah Minister chuan he niin a tum ber chu ziak leh chhiar thiam pawimawhzia leh a tulzia inhriat thar tir a nih thu a sawi a. Ziak leh chhiar thiam chu mihring dikna chanvo a nih thu sawiin International Literacy Day chu kum 1976 atangin kum tin Mizoramah pawh hman thin a nih thu a sawi a ni.

Byte of Minister.....

Minister chuan sorkarin ziak leh chhiar thiam an lo pun zelna tura hma a laknaah a enkawltu sorkar department bakah kohhranho leh an hnuaia missionary te, tlawmgai pawl hrang hrang leh mipuiten an thawhhlawk zia a sawi a. Zirtirtu leh zirlaite inpekna thukzia an hriat reng thu leh ropui a tih thu a sawi a ni.

Minister chuan New India Literacy Programme, Understanding Lifelong Learning for all in Society tia sawi tak, kum 2022 atanga kum 2027 chhunga mitinin ziak leh chhiar an lo thiam nana sorkar laipui hmalakna chu kum 2022 atangin Mizoramah pawh kalpui tan a nih thu a sawi a. Mizoram dinhmun pawhin hma sawn zelin Mizoram chu sorkar laipui pawhin India ram puma ziak leh chhiar thiam kim hmasa bera a pawm tak thu leh mipui nawlpui hriat theih turin kumin May ni 20 khan Chief Minister in a puanzar thu a sawi a. Kumina thupui digital khawvela ziak leh chhiar thiam tura hmalak tih, Promoting Literacy in the Digital Era tih hman mekah pawh Mizoram chuan digital khawvel mitthla tel reng chung a programme a duan thiam chhoh zel a pawimawh thu a sawi a ni.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Zandin dar 6 leh a chanve-ah Chanchinthar puan leh a ni ang.



GST REFORMS

BJP Mizoram President Dr K Beichhua chuan sorkar laipuiin GST a siamthatna chuan nasa takin ram ei leh bar dinhmunah hmasawna a thlen dawn tih a sawi.

Akashvani Aizawl zawhna chhangin, Dr K Beichhua chuan sorkar laipuiin GST a siam tha chu ropui a tih thu sawiin mipui nawlpui tan thil tha tak a ni dawn a ti a, GST siamthatna chuan India ram chhunga thil siam te a tam phah ang a, thil siamchhuahte chu ram mipuite din khawchhuah theihna tur leh nghet taka din theihna tura a hriat avangin ram hruaitute chu fakawm a tih thu sawiin, thil man a tlakhniam phah dawn a, mipuite pawh hetiang hi zirchiang tura a duh thu a sawi a ni.



AH&VETY

Vawiin khan DC office, Aizawl buatsaihin, Vanapa Hall-ah AH&Vety Department hnuaia Progress Partner te tan Orientation Training leh CM Special Package semchhuahna hun hman a ni.

Traininga khuallian Planning &Programme Implementation Department Secretary Pu Lalmalsawma Pachuau chuan Bana kaih hnuaia CM Special Package dawngtute chu Mizoram hmasawwna tura Sawrkarin thawhpua tana a thlanchhuah te an ni a ti a, sum harsatna karah installment-a in pe lovin, a hlawmin vawikhatah an pe vek tih sawiin Sawrkarin thawhpui atana a rin ngam angin dik taka hmang turin a chah a, an vil zui reng dawn tih a sawi.

Vawiinah hian AH& Vety Department hnuaia Progress partners mi 203 te hnenah Orientation Traing hi pek a ni a. An sum dawn tur hi DBT in an account-ah vawiinah thunluh hman vek tum a ni a, vawiin thunluh hman loh chuan naktukah thunluh vek a ni ang. July ni 24 khan Department 11 hnuaia Progress partners 467 te hnenah CM Package leh hetiang Orientation Training hi pek an lo ni tawh a ni.



MINISTRY OF LABOUR & EMPLOYMENT

Ministry of Labour and Employment chuan vawiin khan New Delhi ah Private company te nen inremna thuthlung an ziaik.

He inremna thuthlung ziahna ah hian Union Minister Dr Mansukh Mandaviya pawh telin, Dr Mandaviya chuan eizawwna siam leh eizawwna tlaka thiam thil neih chu a pawimawh thu sawiin, India chakna leh inngahna lungphum pawimawh tak a ni a ti a, Private company te nen a thawhhona chuan rah tha a chhuah ngei a beisei thu sawiin, thalaite tan hmasaawwna tur kawng tam tak a hawn a beisei thu a sawi a, ram sum leh pai dinhmun pawh in hma a sawn phah a rin thu a sawi bawk.

